



Broj: 01-11-719-3/25

Mostar, 22.8.2025.

Na osnovu člana 5. Zakona o kantonalnim ministarstvima i drugim organima kantonalne uprave („Službene novine Hercegovačko-neretvanskog kantona”, broj: 4/98, 1/02, 4/07 i 2/13), Odluke Vlade HNK o usvajanju Programa utroška dijela novčanih sredstava predviđenih Budžetom HNK za 2025. godinu Ministarstvu trgovine, turizma i zaštite okoliša s pozicija „Transfer za jačanje turističkih kapaciteta”, broj: 01-1-02-1979/25 od 1.8.2025. i tačke VIII. Programa, ministar trgovine, turizma i zaštite okoliša objavljuje

JAVNI POZIV

za podnošenje prijava za odabir projekata koji će se finansirati iz dijela sredstava „Transfer za jačanje turističkih kapaciteta” utvrđenih Budžetom HNK za 2025. godinu

I

(Predmet javnog poziva)

Predmet Javnog poziva je prikupljanje prijava za dodjelu bespovratnih sredstava za sufinansiranje projekata javnih ustanova i javnih preduzeća koji doprinose razvoju i unapređenju turističke ponude HNK.

II

(Iznos raspoloživih sredstava)

Sredstva za provođenje javnog poziva obezbjeđena su u Budžetu HNK za 2025. („Službene novine HNK”, broj 4/25) na poziciji Ministarstva trgovine, turizma i zaštite okoliša, organizaciona jedinica 35010001, ekonomski kod 614 400 SAL005 u ukupnom iznosu od 500.000,00 KM (slovima: petsto hiljada konvertibilnih maraka i 00/100).

III

(Namjena sredstava)

Namjena sredstva iz tačke II Javnog poziva je jačanje doprinosa javnih ustanova i javnih preduzeća razvoju i unapređenju turističke ponude na području Hercegovačko-neretvanskog kantona odnosno podstaknuti provođenje aktivnosti koje doprinose održivom, dostupnom i kvalitetnom razvoju turizma, posebno kroz rad javnih komunalnih preduzeća, upravitelja zaštićenim područjima, muzeja i drugih javnih ustanova relevantnih za turizam.

IV

(Opći kriteriji prihvatljivosti i prihvatljive aktivnosti)

Opći kriteriji prihvatljivosti: jasna poveznica s turizmom i poboljšanjem turističke ponude te održivost i usklađenost s lokalnim strateškim dokumentima.

Prihvatljive aktivnosti: **infrastruktura i okoliš** (šetnice, parkovi, izletišta, vidikovci, odmorišta; ekološki kontejneri za upravljanje otpadom u turističkim zonama; mobilni WC-i, česme pitke vode; javna rasvjeta u turistički frekventnim zonama; izgradnja i rekonstrukcija pješačkih i biciklističkih staza i sl.); **zaštićena područja i prirodna baština** (uređenje i označavanje eko-staza; postavljanje edukativnih i informativnih tabli o prirodnim vrijednostima; organizacija interpretacijskih vođenja, edukativnih tura i promocija; razvoj digitalnih alata za posjetioce - aplikacije, virtualne ture; uređenje pristupnih puteva i prostora za prihvata posjetilaca; javna turistička infrastruktura u zaštićenim područjima - izgradnja i adaptacija javnih toaleta; izgradnja i opremanje centara za posjetioce - interpretacijskih centara i sl.); **atrakcije i tematski sadržaji** (izgradnja atrakcije na otvorenom -

„nebeske“ šetnice, skycab, viseći mostovi, stakleni tobogani, staklene stepenice; uređenje i opremanje postojećih i izgradnja novih zabavnih i tematskih parkova koji prema sadržaju/temi i atraktivnosti doprinose konkurentnosti destinacije, uz uslov dostave projektne dokumentacije te važeće građevinske dozvole ili uslova o građenju za nove parkove); **kulturni sadržaji i muzeji** (modernizacija muzejskih postava - interaktivnost, višejezičnost; organizacija kulturno-turističkih dešavanja i radionica; digitalizacija sadržaja - virtualne ture, aplikacije, e-katalozi, razvoj suvenira i unapređenje prostora za posjetioce i sl.); **promocija** (opremanje i unapređenje prostora namijenjenog promociji ili ponudi turističkih proizvoda i usluga - mali turistički centri, prostori za tradicionalne rukotvorine, suvenirnice, itd.).

V

(Prihvatljivost prijavitelja)

Prihvatljivi prijavitelji su javne ustanove i javna preduzeća čiji je osnivač kanton, grad ili općina te privredna društva u kojima kanton, grad ili općina učestvuju s više od 50% kapitala, a bave se turizmom i drugim srodnim djelatnostima koje imaju za cilj promociju i razvoj turističkih sadržaja, te imaju obezbjeđeno finansiranje najmanje 20% vrijednosti ukupnog projekta.

Neprihvatljivi prijavitelji su javne ustanove i javna preduzeća koja nisu ispunila ranije ugovorne obaveze prema Ministarstvu davanja finansijskih sredstava po osnovu sklopljenih ugovora o sufinansiranju za 2022., 2023. i 2024. godinu; javne ustanove i javna preduzeća koja imaju dospjele a neizmirene obaveze po osnovu doprinosa, direktnih i indirektnih poreza zaključno sa 30.6.2025. a za koje nisu zaključeni sporazumi o obročnom plaćanju duga i/ili koji uredno ne izmiruju dospjele obaveze po zaključenom sporazumu; javne ustanove i javna preduzeća čiji su glavni računi na dan podnošenja zahtjeva blokirani.

VI

(Kriteriji za ocjenjivanje)

Prijave će se ocjenjivati prema sljedećim kriterijima:

- **relevantnost projekta za turizam** max do 30 bodova,
- **spremnost za provođenje** max do 15 bodova,
- **održivost i usklađenost projekta sa strategijama** max do 20 bodova,
- **mjerljivost rezultata projekta** max do 20 bodova,
- **inovativnost i digitalna komponenta projekta** max do 15 bodova

Maksimalni broj bodova po prijavljenom projektu je 100. Prijavljeni projekt koji u postupku ocjenjivanja ne ostvari najmanje 50 bodova, ne može ostvariti pravo na sufinansiranje.

VII

(Ograničenja visine pojedinačne podrške)

Najniži mogući iznos odobrene podrške po projektu je 10.000,00 KM, dok je najveći iznos 70.000,00 KM. Ministarstvo može odobriti manji iznos od traženog, zavisno o broju prijava i raspoloživim sredstvima.

VIII

(Prednost pri ostvarivanju prava na podršku)

Prednost pri ostvarivanju prava na podršku imaju projekti koji uključuju digitalne alate i tehnologije, okolišno prihvatljiva rješenja (zelena infrastruktura).

IX

(Dokumentacija za učestvovanje)

Dokumentacija za sudjelovanje mora **OBAVEZNO** sadržavati:

1. JP 4_Prijavni obrazac
2. Detaljan opis projekta s operativnim ciljevima, ciljnom grupom i očekivanim rezultatima
3. Finansijski plan s jasno iskazanim izvorima finansiranja (vlastita sredstva i dr. izvori)

4. JP 4_Obrazac 1 - Izjava o obezbjeđenim vlastitim sredstvima (min 20% ukupne vrijednosti projekta)
5. JP 4_Obrazac de minimis - potpisana i ovjerena izjava o primljenim de minimis pomoćima i drugim državnim pomoćima
6. JP 4_Obrazac 2 - Izjava o realizaciji projekta
7. JP 4_Obrazac 3 - Izjava o ispunjenim ugovornim obavezama prema Ministarstvu za prethodne tri (3) godine
8. Rješenje o registraciji ili aktualni izvod iz sudskog registra
9. Uvjerenje o poreznoj registraciji (ID - identifikacijski broj i PDV broj ukoliko je podnosilac prijave PDV obaveznik)
10. Uvjerenje Federalnog zavoda za statistiku o razvrstavanju prema glavnoj šifri djelatnosti po KD BiH 2010
11. Uvjerenje/potvrda nadležne organizacijske jedinice PU FBiH da podnosilac prijave nema neizmirenih obaveza po osnovu javnih prihoda zaključno sa 30.6.2025. ili ukoliko ih ima da je sklopljen sporazum o obročnom plaćanju duga i da se uredno izmiruju dospjele obaveze
12. Uvjerenje/potvrda nadležne organizacijske jedinice UIO BiH da podnosilac prijave nema neizmirenih obaveza po osnovu indirektnih poreza zaključno sa 30.6.2025. ili ukoliko ih ima da je sklopljen sporazum o obročnom plaćanju duga i da se uredno izmiruju dospjele obaveze.
13. Potvrda/uvjerenje banke o vlasniku i broju transakcijskog računa podnosioca prijave, u kojoj će biti izričito navedeno da isti nije blokiran.

Kao **NEOBAVEZNA** dokumentacija može se priložiti svaki dodatni dokument koji može potvrditi vrednovanje kriterija iz tačke VI Javnog poziva. Svi dokumenti koji se prilažu uz prijavu moraju biti originalni ili ovjerene kopije **ne starije od 3 (tri) mjeseca** računajući od dana objave Javnog poziva. Ministarstvo nema obavezu vraćanja dokumentacije pristigle na Javni poziv.

X

(Zajedničke odredbe)

a) Način podnošenja prijave

Prijavni obrasci popunjavaju se na računalu i u originalnom ispisu slažu s pratećom dokumentacijom, prema redoslijedu iz tačke IX Javnog poziva. Prijava mora biti uvezana, a sve stranice prijave numerisane i ovjerene pečatom podnosioca prijave i potpisom ovlaštenog lica podnosioca prijave.

Tako pripremljena prijava **dostavlja se u zatvorenoj koverti ISKLJUČIVO** putem pošte na adresu

MINISTARSTVO TRGOVINE, TURIZMA I ZAŠTITE OKOLIŠA HNK

BRAĆE FEJIĆA BB, 88000 MOSTAR

s naznakom

„NE OTVARAJ“ - PRIJAVA NA JAVNI POZIV

ZA ODABIR PROJEKATA KOJI ĆE SE FINANSIRATI IZ IZ DIJELA SREDSTAVA „TRANSFER ZA JAČANJE TURISTIČKIH KAPACITETA“ UTVRĐENIH BUDŽETOM HNK ZA 2025. GODINU

Na poledini koverta **OBAVEZNO** je navesti puni naziv podnosioca prijave, adresu i kontakt telefon te ovjeriti pečatom

b) Rok za podnošenje prijave

Javni poziv otvoren je trideset (30) dana od dana objave na web stranici Ministarstva i Vlade HNK.

Rok za podnošenje prijave na osnovu Javnog poziva ističe **20.9.2025.**

c) Razmatranje prijave

Neće se uzeti u razmatranje:

- neblagovremene prijave (dostavljene van utvrđenog roka)

- prijave koje nisu pripremljene na način propisan u tački X alineja a) Javnog poziva (prijavni obrasci nisu popunjeni računalom, nisu priloženi u originalnom ispisu, prijava nije složena po redoslijedu iz tačke IX Javnog poziva, prijava nije uvezana, stranice nisu numerisane i ovjerene na propisani način, koverta s prijavom nije zatvorena, nije adresirana na propisani način, nije dostavljena putem pošte)
- nepotpune prijave (ne sadrže kompletnu dokumentaciju koja se traži Javnim pozivom)
- prijave neusklađene s programskim ciljevima iz Javnog poziva.

d) Donošenje i objava konačne odluke

Najkasnije 30 dana od dana zaključenja Javnog poziva, na prijedlog Ministra konačnu odluku o izboru korisnika dijela sredstava „Transfer za jačanje turističkih kapaciteta“ utvrđenih Budžetom HNK za 2025. godinu usvaja Vlada HNK.

Objavom konačne odluke o izboru korisnika sredstava na web stranicama Ministarstva i Vlade HNK, svi podnosioci prijava smatraju se obaviještenim o rezultatima Javnog poziva.

e) Pravo prigovora

Prijavitelji koji smatraju da su oštećeni zbog nepravilnog postupanja tokom postupka dodjele, imaju pravo podnijeti prigovor u roku od osam (8) dana od dana objave konačne odluke. Teret dokazivanja nepravilnog postupanja je na Prijavitelju. Odluku o prigovoru donosi Ministar. Prigovor ne odgađa izvršenje konačne odluke o odabiru i dalje provođenje procedure po Javnom pozivu.

f) Dodatne informacije

U postupku po Javnom pozivu Ministarstvo ne snosi nikakve troškove učesnika Javnog poziva ni odgovornost prema učesnicima u pogledu aktivnosti koje su preduzeli u cilju apliciranja za određeni podsticaj.

Dostavljena dokumentacija se ne vraća podnosiocu prijave.


Sva dodatna pitanja u vezi ovog poziva mogu se postaviti svakim radnim danom u terminu od 11,30 do 13,00 sati na broj telefona 036 552 922.

XI

(Završne odredbe)

S prijaviteljima koje ispune uslove i kriterije za dodjelu sredstava iz ovog poziva, Ministarstvo trgovine, turizma i zaštite okoliša zaključit će ugovor o međusobnim pravima i obavezama.

Korisnici sredstava - prijavitelji kojima budu odobrena sredstva, obavezni su Ministarstvu trgovine, turizma i zaštite okoliša dostaviti izvještaj o namjenskom utrošku dodijeljenih sredstava s originalnom dokumentacijom na osnovu koje se dokazuje namjenski utrošak sredstava.



Ministar
Emil Balavac, s.r.